



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**ODLUKA**  
**O DAVANJU SAGLASNOSTI NA PROGRAM AKTIVNOSTI ZA DAN OBILJEŽAVANJA**  
**SJEĆANJA NA ŽRTVE GENOCIDA U SREBRENICI ZA 2023. GODINU**  
**(Prijedlog)**

**Predlagač:** Gradonačelnica  
**Obrađivač:** Gradska služba za  
poslove Informativnog centra

**Sarajevo, septembar 2022. godine**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), člana 3. stav (2) Odluke o obilježavanju Dana sjećanja na žrtve genocida u Srebrenici („Službene novine Kantona Sarajevo“, broj 25/22), Gradsko vijeće Grada Sarajeva, na \_\_. sjednici održanoj \_\_. \_\_.2022. godine, donijelo je:

**(Prijedlog)**

**ODLUKU  
O DAVANJU SAGLASNOSTI NA PROGRAM AKTIVNOSTI ZA DAN OBILJEŽAVANJA  
SJEĆANJA NA ŽRTVE GENOCIDA U SREBRENICI ZA 2023. GODINU**

**Član 1.**

Ovom odlukom daje se saglasnost na Program aktivnosti za Dan obilježavanja sjećanja na žrtve genocida u Srebrenici za 2023. godinu (u daljnjem tekstu: Program), utvrđen od gradonačelnice Grada Sarajeva.

**Član 2.**

Ovlašćuje se gradonačelnica Grada Sarajeva da za potrebe realizacije Programa formira Organizacioni odbor, kao i da preuzima sve ostale aktivnosti potrebne za uspješnu realizaciju Programa.

**Član 3.**

Sastavni dio ove odluke je Program aktivnosti za Dan obilježavanja sjećanja na žrtve genocida u Srebrenici za 2023. godinu.

**Član 4.**

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA**

**Jasmin Ademović**

Broj:  
Sarajevo,

## **OBRAZLOŽENJE**

### **PRAVNI OSNOV**

Pravni osnov za donošenje ove odluke sadržan je u članu 26. stav 1. tačka 2. Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje, kao i u članu 3. stav 2. Odluke o obilježavanju Dana sjećanja na žrtve genocida u Srebrenici kojim je propisano da konačni Program aktivnosti za Dan obilježavanja sjećanja na žrtve genocida u Srebrenici utvrđuje gradonačelnica Grada Sarajeva i predlaže Gradskom vijeću usvajanje Odluke o davanju saglasnosti na Program aktivnosti za Dan obilježavanja sjećanja na žrtve genocida u Srebrenici za narednu godinu.

### **RAZLOZI ZA DONOŠENJE**

Odlukom o obilježavanju Dana sjećanja na žrtve genocida u Srebrenici („Službene novine Kantona Sarajevo“, broj 25/22) propisano je da konačni Program aktivnosti za Dan sjećanja na žrtve genocida u Srebrenici utvrđuje gradonačelnica Grada Sarajeva i predlaže Gradskom vijeću usvajanje Odluke o davanju saglasnosti na Program aktivnosti za Dan obilježavanja sjećanja na žrtve genocida u Srebrenici za narednu godinu. Uvidom u dostavljeni Program aktivnosti za Dan sjećanja na žrtve genocida u Srebrenici utvrđeno je da Program u cijelosti zadovoljava cilj donošenja Odluke o obilježavanju Dana sjećanja na žrtve genocida u Srebrenici, odnosno gdje se na dostojanstven način izražava saučešće i suosjećanje s porodicama žrtava genocida i njeguje kultura sjećanja.

### **OBRAZLOŽENJE PREDLOŽENIH RJEŠENJA**

Članom 1. Odluke daje se saglasnost Gradskog vijeća Grada Sarajeva na Program aktivnosti za Dan obilježavanja sjećanja na žrtve genocida u Srebrenici za 2023. godinu utvrđen od gradonačelnice Grada Sarajeva.

Članom 2. Odluke ovlašćuje se gradonačelnica Grada Sarajeva da za potrebe realizacije Programa formira Organizacioni odbor, kao i da preduzima sve ostale aktivnosti potrebne za uspješnu realizaciju Programa. Organizacioni odbor će imati mandat i djelovati na način kako je to predloženo Programom.

Članom 3. Odluke propisano je da je Program sastavni dio Odluke, dok član 4. reguliše stupanje na snagu Odluke.

### **FINANSIJSKA SREDSTVA**

Finansijska sredstva za provedbu ove Odluke obezbjedit će se u Budžetu Grada Sarajeva za 2023. godinu.



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

**PROGRAM**  
**AKTIVNOSTI ZA DAN OBILJEŽAVANJA SJEĆANJA NA ŽRTVE GENOCIDA U**  
**SREBRENICI ZA 2023. GODINU**

**Predlagač:** Gradonačelnica  
**Obrađivač:** Gradska služba za  
poslove Informativnog centra

---

**Sarajevo, septembar 2022. godine**

**Adresa:** Hamdije Kreševljakovića 3  
71000 Sarajevo, BIH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



Na osnovu člana 3. stav 2. Odluke o obilježavanju Dana sjećanja na žrtve genocida u Srebrenici („Službene novine Kantona Sarajevo“, broj 25/22) utvrđujem:

## **PROGRAM AKTIVNOSTI ZA DAN OBILJEŽAVANJA SJEĆANJA NA ŽRTVE GENOCIDA U SREBRENICI ZA 2023. GODINU**

### **I UVOD**

Odlukom o obilježavanju Dana sjećanja na žrtve genocida u Srebrenici („Službene novine Kantona Sarajevo“, broj 25/22) propisano je da konačni Program aktivnosti za Dan obilježavanja sjećanja na žrtve genocida u Srebrenici utvrđuje gradonačelnica Grada Sarajeva i predlaže Gradskom vijeću usvajanje Odluke o davanju saglasnost na Program aktivnosti za Dan obilježavanja sjećanja na žrtve genocida u Srebrenici za narednu godinu. U izradi Programa aktivnosti za Dan obilježavanja sjećanja na žrtve genocida u Srebrenici konsultovan je i Savjet gradonačelnice za Informativni centar o Međunarodnom krivičnom sudu za bivšu Jugoslaviju (u daljnjem tekstu: Informativni centar o MKSJ Sarajevo). Savjet gradonačelnice za Informativni centar o MKSJ Sarajevo prihvatio je predloženi program koji je dostavljen od strane nevladine organizacije „Udruženje građi BiH – Jovan Divjak“ u saradnji sa autorom knjige holandskog pisca i umjetnika Nicka Teunissena. Uzimajući u obzir nadležnost Savjeta, utvrđenu potpisanim Memorandumom o razumijevanju između Međunarodnog krivičnog suda za bivšu Jugoslaviju i Grada Sarajeva za razvoj Informativnog centra Sarajevo („Službene novine Kantona Sarajevo“, broj 50/16), kao i njegov sastav, u Programu su uvažene sugestije Savjeta.

### **II RASPORED I OPIS AKTIVNOSTI ZA DAN OBILJEŽAVANJA SJEĆANJA NA ŽRTVE GENOCIDA U SREBRENICI ZA 2023. GODINU**

**Naziv aktivnosti:** Adaptacija knjige „Tražeći Esmira“ autora Nicka Teunissena u scenarij pozorišne predstave

**Lokacija:** Vijećnica Sarajevo

**Vremenski okvir:** 10.07.2023. godine

**Satnica:** naknadno

**Učesnici aktivnosti:** delegacije Grada Sarajeva, strane delegacije, diplomatska predstavništva u BiH, delegacije, predstavnici različitih nivoa vlasti u BiH, predstavnici relevantnih udruženja, umjetnici, učenici i studenti.

**Obrazloženje:** U Memorijalnom centru Potočari u Srebrenici nalazi se grob mladića Esmira Mujičića koji je ubijen u genocidu počinjenom u julu 1995. godine. Fotografija ovog mladića u vihoru rata potaknula je holandskog pisca i umjetnika Nicka Teunissena da iz prve ruke istraži šta se dešavalo u ovom dijelu Bosne i Hercegovine prije i za vrijeme rata. U knjizi kroz potragu za Esmirom, na osnovu fotografije koju je načinio Serge Janssen, prikazuje se paleta neispričanih priča, anegdota i divnih uspomena na napredan predratni grad Srebrenicu te završava sa uručivanjem fotografije Esmirovoj majci koja prvi put, nakon četvrt stoljeća, vidi lice njenog sina. S obzirom na dugogodišnje iskustvo gosp. Teunissena u pozorišnom radu i radu sa mladima, prijedlog je da se knjiga adaptira u scenarij koji bi izradila gđa Nedžma Čizmo, mlada dramaturginja, uz glumačku postavku mladih glumaca iz Sarajeva. Vizija je da se nakon premijerne izvedbe u Vijećnici, koja će biti trajno zabilježena okom kamere, predstava nastavi izvoditi širom Bosne i Hercegovine, ali i u inostranstvu, kao i da se prilikom svake izvedbe naglasi podrška Grada Sarajeva za stvaranje predstave.

**Naziv aktivnosti: IZLOŽBA FOTOGRAFIJA SERGE JANSSEN**

**Lokacija: Vijećnica**

**Vremenski okvir: 10.07.2023. godine**

**Satnica: naknadno**

**Učesnici aktivnosti:** akademska zajednica, relevantna udruženja, diplomatska predstavništva, predstavnici različitih nivoa vlasti u BiH, studenti, istraživači.

Nakon premijernog prikazivanja predstave uslijedilo bi otvaranje izložbe fotografija autora Janssena koje oslikavaju životnu priču dječaka iz Srebrenice. Pored fotografija dio izložbe će činiti predmeti koji su pripadali mladiću Esmiru, a koje je on poklonio fotografu Janssensu tokom njihovog poznanstva.

**Naziv aktivnosti: Simbolično odavanje počasti žrtvama i porodicama stradalim u genocidu u Srebrenici.**

**Lokacija: Vijećnica**

**Vremenski okvir: 11.07.2023. godine**

**Satnica: naknadno**

**Učesnici aktivnosti:** akademska zajednica, relevantna udruženja, gradski vijećnici, predstavnici svih nivoa vlasti

**Obrazloženje:** 11. juli, dan kada se prisjećamo žrtava genocida u Srebrenici, gdje se na dostojanstven način izražava saučešće i suosjećanje s porodicama žrtava genocida. 11. jula, Grad Sarajevo simboličnim spuštanjem zastava na pola koplja, oglašavanjem sirena i spuštanjem cvijeta Srebrenice na sarajevskoj Vijećnici, prisjeća se žrtava genocida. Na taj dan se u Potočarima organizuje ukop posmrtnih ostataka žrtava. Upravo radi osjetljivosti događaja na taj dan se ne organizuju programske aktivnosti, već se šutanjem i odavanjem počasti za sve one koji nisu preživjeli i za kojima se još traga, daje simbolična podrška Memorijalnom centru Potočari i Udruženju Majke Srebrenice enklava i Žepa u vidu navedenih aktivnosti.

### **III REALIZACIJA PROGRAMA I LOGISTIKA**

Za potrebe realizacije Programa formirat će se Organizacioni odbor koji će se potom podijeliti u timove koji će biti zaduženi za različite aktivnosti, uz obavezu koordiniranog djelovanja i održavanja zajedničkih sastanaka. Organizacioni odbor bit će zadužen, između ostalog, za: korespondenciju, organizaciju događaja, ishodovanje potrebnih dozvola, sačinjavanje listi učesnika, slanje poziva, protokolarne aktivnosti, provođenje potrebnih nabavki i sl.

Organizacioni odbor će biti ovlašten i da izvrši dodatno preciziranje lokacija, satnica, učesnika i zvanica.

Odsjek za informisanje (Press služba) Grada će komunicirati sa medijima i sačinjavati saopćenja i medijske najave.

Sve potrebne nabavke za realizaciju cjelokupnog Programa provodit će se u skladu sa važećim propisima.

### **IV FINANSIJSKA SREDSTVA**

Za potrebe realizacije Programa potrebno je u Budžetu Grada Sarajeva za 2023. godinu planirati minimalno 30.000,00 KM. Grad će tražiti i dodatnu finansijsku podršku općina u sastavu Grada i ostalih nivoa vlasti u BiH.

**GRADONAČELNICA**

**Doc. dr. Benjamina Karić**